

կել և հերքել, և ո՛չ թէ վերոյիշեալ միւս տեղիքը: Սակայն հերքելու համար՝ ոեւէ փաստ չունի: Ընդհակառակն իր դէմն է նոյն ինքն Ջուղայեցիի վկայութիւնը: Վասն զի Յակոբ Ջուղայեցին անձամբ կը յայտարարէ՝ թէ կ'ուզէր Չմիւռնիայէն Հռոմ երթալ: 1679 Նոյեմբեր 23ին ան կ. Պոլսէն կը գրէ Հռոմի իր ներկայացուցչին՝ Առաքել Բոքիկ վարդապետին. «Ո՛հ, սիրելի որդեակ, դուն լաւ գիտես՝ թէ ինչպէս 17 տարի առաջ ես այնչափ նուէրներ պատրաստած էի և մինչեւ Չմիւռնիա բերած էի, որպէս զի նաևով դէպի Հռոմ ճամբորդէի, և թէ ինչպէս այն ժամանակ արգելքի հանդիպած էի Եղիազարի հերձուածին պատճառաւ: (19):

Երբ Յակոբ կաթողիկոս Չմիւռնիա էր, հրաւէր կը ստանայ Մարտիրոս Եպիսկոպոս կաթողիկէն Երուսաղէմ գալ, և իրենց հետ խորհրդակցիլ գահընկէց ընելու համար Եղիազար Հակաթոռ կաթողիկոսը: Երուսաղէմի մէջ խորհրդակցութեան ընթացքին կ'որոշուի որ Մարտիրոս Եպիսկոպոս ամբաստանագրերով և բողոքագրերով կ. Պոլիս երթայ և հետամուտ ըլլայ Եղիազարը տապալելու, իսկ Աստուածատուր բանադրանքի գիր մը հանէ ընդդէմ Եղիազարի, ինչպէս Խաչատուր Մինտերճի ըրած էր կարգ մը վաճառականներու պնդումին

(19) Archivio Vaticano, Carpegna 55, fol.366.